

Aningaasanik ingerlataqarneq pillugu inatsisip allangortinneqarnera pillugu inatsimmi § 1-ip ilaanik, pappiaqqanik aningaasanik nalilinnik niuerneq il.il. pillugit inatsimmi, iluanaarutininik pinerlunnikkut pissarsianik aningaaserivinnut inissinnerinik aamma qunusiarinninnerit aningaasalersornerisa pitsaaliorlugit aaqqiinerit pillugit inatsimmi inatsisinilu allani assigiinngitsuni kiisalu Kalaallit Nunaanni aningaasat pappiarat pillugit inatsisip atorunnaarsinneranik Kalaallit Nunaannut atulersitsineq pillugu peqqussut (Pisussaaffiusunut aningaasaliineq, danskit naatsorsuuserinermi maleruagassaannik pinngitsoorani atuineq, CO2-mik niuerneq pillugu akitsorteriffinnut akuersineq nakkutilliinerlu aamma nalunaarsuiffiit ataatsimoorussat il.il.)

UAGUT MAGRETHER AAPPAAT, Guutip saammaanneragut Danmarkip Dronningia, nalunaarpugut:

Aningaasanik ingerlataqarneq pillugu inatsisip, pappiaqqanik aningaasanik nalilinnik niuerneq il.il. pillugit inatsisip, iluanaarutininik pinerlunnikkut pissarsianik aningaaserivinnut inissinnerinik aamma qunusiarinninnerit aningaasalersornerisa pitsaaliorlugit aaqqiinerit pillugit inatsisip inatsisinilu allani assigiinngitsuni kiisalu Kalaallit Nunaanni aningaasat pappiarat pillugit inatsisip atorunnaarsinnera pillugu (Pisussaaffiusunut aningaasaliineq, danskit naatsorsuuserinermi maleruagassaannik pinngitsoorani atuineq, CO2-mik niuerneq pillugu akitsorteriffinnut akuersineq nakkutilliinerlu aamma nalunaarsuiffiit ataatsimoorussat il.il.) inatsisip allangortinneqarnera pillugu inatsimmi nr. 155, 28. februar 2012-mi § 12¹ naapertorlugu aalajangersarneqarpoq:

§ 1

Aningaasanik ingerlataqarneq pillugu inatsimmi, kunngip peqqussutaatigut nr. 1252, 15. december 2004-meersukkut Kalaallit Nunaannut atulersinneqartumi, peqqussut nr. 1047, 1. september 2010-meersukkut, peqqussut nr. 838, 14. august 2012-meersukkut, [inatsit 1553, 21. december 2010-meersumut tunngatillugu][inatsit 1556, 21. december 2010-meersumut tunngatillugu][inatsit 456, 18. maj 2011-meersumut tunngatillugu][inatsit 616, 14. juni 2011-meersumut tunngatillugu] allangortinneqartumi, imatut allanguisoqarpoq:

1. § 1-mi imm. 12-p kingorna immikkoortutut nutaatut ikkunneqarpoq:

»Imm. 13. Kapitel 20 c nalunaarsugaasivinni ataatsimoorussani atorineqarpoq.«

Imm. 13-16 tamatuma kingorna imm. 14-17-inngorput.

2. § 1, imm. 15 aamma **16**, imm. 16 aamma 17-inngortut, atorunnaarput, taarsiullugulu ikkunneqarluni:

»Imm. 16. Suliassanik allanut suliassanngortitsiffinnut suliffeqarfinnut pilersuisunut taakkunungalu pilersuisunut, § 5, imm. 1, nr. 24 aamma 25 naapertorlugu, § 347, imm. 1 aamma 5, atorneqasapput.«

3. § 5, imm. 1-mi, nr. 27-tut ikkunneqarpoq:

»27) *Oqartussat piginnaatitaasut:*

Nunami oqartussat, inatsit, aalajangersagaq allatigulluunniit najoqqutassaq atorlugu aalajangersak-kamut tassunga ilaasunut suliffeqarfinnik nakkutilliinissamut piginnaatinneqarput.«

4. § 5-mi imm. 8-tut ikkunneqarpoq:

»Imm. 8. Finanstilsyni imm. 1, nr. 16, litra c aamma d-mi taaneqartut isumannaagassat taaneqartut pillugit maleruagassanik erseqqinnerusunik aalajangersaasinnaavoq.«

5. § 9, imm. 9, atorunnaarpoq.

Imm. 10 aamma 11 matuma kingorna imm. 9 aamma 10-nngorput.

6. § 9, imm. 10-mi, imm. 9-nngortumi, »Papiaqqanik aningaasanik nalilinnut niuertut aamma niuerfinnik naleqqusaaanermi ingerlataqartut« imatut allanngortinneqarpoq: »Papiaqqanik aningaasanik nalilinnik niuertut«.

7. § 13-mi imm. 4-tut ikkunneqarpoq:

»Imm. 4. Aningaaseriviit, illuummik qularnaveeqqusiillu taarsigassarsisarfii, aningaasaateqarfinnut akunnermuliuttartut aamma aningaasaliissutinik aqutsisarfiit nammineq atugassiaat sakkut, aningaasaatinut tunngaviusunut ilaasinnaasut pillugit maleruagassanik erseqqinnerusunik Finanstilsyni aalajangersaasinnaavoq.«

8. § 31, imm. 11, atorunnaarpoq.

9. § 39, imm. 6, atorunnaarpoq, taarsiullugulu ikkunneqarluni:

»Imm. 6. Aningaasanik ingerlataqarfik, Den Europæiske Unionip avataani imaluunniitunami, Unionip aningaasanut tunngasutigut isumaqatigiissuteqarfiginngisaaniunami kiffartuuserrusuttoq, imaluunniit nuna § 31, imm. 1 naapertorlugu Kalaallit Nunaannik isumaqatigiissuteqarsimanngitsoq, ingerlatat aallartinnissaat kingusinnerpaamik qaammat ataaseq sioqqullugu,unami sorlermi suliffeqarfiit aallartitserusunnersoq allanneqarluni, aamma ingerlatat suut ingerlakkusunneqarner sut tamanna pillugu Finanstilsynimut nalunaaruteqassaaq. Ingerlatat aallartinnissaat kingusinnerpaamik qaammat ataaseq sioqqullugu tamanna pillugu Finanstilsynimut nalunaaruteqartoqarsinnaanngippat, piaarnerpaamik nalunaaruteqartoqassaaq.

Imm. 7. Imm. 6-mi taaneqartuni ingerlatani allannguinerit suut tamaasa pillugit Finanstilsynimut suliffeqarfiit nalunaartassapput, allannguinerup isumagineqarnissaa kingusinnerpaamik qaammat ataaseq sioqqullugu. Piffissaliussap taassuma iluani allannguinerimik Finanstilsynimut nalunaaruteqarnissaq ajornarpat, nalunaaruteqarneq piaarnerpaamik isumagineqassaaq.«

10. § 62, imm. 2, oqaaseqatigiinni siullerni, »Finanstilsynimut ilisimatitsineq« imatut allanngortinneqarpoq: »akuerineqarnissaq pillugu qinnuteqaat«.

11. § 78, imm. 1, nr. 2-mi, »pisortaq imaluunniit siulersuisuni ilaasortaq« imatut allanngortinneqarpoq: »piukkunnartunik piginneqataassutinik toqqaannartumik imaluunniit toqqaannanngitsumik pigisalik, siulersuisuni ilaasortaq imaluunniit pisortaq«.

12. § 125 a, imm. 1-mi, »2010 aamma 2011« imatut allanngortinneqarpoq: »2010, 2011 aamma 2012«.

13. § 125 a, imm. 1-mi, »imm 2 naapertorlugu« imatut allangortinneqarpoq: »imm. 2 aamma 3 naapertorlugit«.

14. § 125 a-mi imm. 3-tut ikkunneqarpoq:

»Imm. 3. Imm. 1 naapertorlugu piumasaqaammik naatsorsuineri suliffeqarfiit, ulloq 1. januar 2010-mi tamatumaluunniit kingorna akiligassarsinernut qularnartunut imaluunniit ingerlatanut qularnartunut aningaasartuutit qularnartorujussuit naatsorsornerinut suliffiup iluani periaatsimik atuilersimasut, § 143, imm. 3 naapertorlugu, akiligassarsinernut qularnartunut imaluunniit ingerlatanut qularnartunut aningaasartuutit qularnartorujussuit naatsorsornerinut suliffiup iluani periaatsimik atuilersimangitsunut, maleruagassat, 1. januar 2011 sioqqullugu suliffeqarfinnut atuussimasut ator-sinnaagaat Finanstilsynimit akuerineqarsinnaavoq.«

15. (Kalaallit Nunaannut atulersinneqanngilaq)

16. (Kalaallit Nunaannut atulersinneqanngilaq)

17. (Kalaallit Nunaannut atulersinneqanngilaq)

18. § 224, imm. 6, atorunnaarpoq.

19. § 226, imm. 5, atorunnaarpoq.

20. (Kalaallit Nunaannut atulersinneqanngilaq)

21. (Kalaallit Nunaannut atulersinneqanngilaq)

22. § 343 p-p kingorna immikkoortup XI sioqqullugu ikkunneqarpoq:

»Immikkoortoq X c

Nalunaarsugaasiviit ataatsimoorussat

Kapitali 20 c

Nalunaarsugaasiviit ataatsimoorussat

§ 343 q. Nalunaarsugaasivinni ataatsimoorussani peqqussummi tassani paasineqarput suliffeqarfiit, ingerlataat pingaarnersat tassaasut aningaasanik suliffeqarfinnut arlalinnut, aningaasanik piginnittut suliffeqarfinnut imaluunniit suliffeqarfiit ataanni suliffeqarfinnik taaneqartartunut qarasaasiatigut ingerlataqartut imaluunniit inerisaanermik suliaqartut, annerusumillu ukuningga pigineqartut

1) aningaasanik suliffeqarfik ataaseq arlalilluunniit, aningaasanik piginnittut suliffeqarfiit imaluunniit suliffeqarfiit ataanni suliffeqarfiit peqatigiittut imaluunniit

2) peqatigiiffik ataaseq amerlanerilluunniit, ilaasortai annerusumik aningaasanik ingerlataqarfiusut, aningaasanik piginnittut suliffeqarfiusut imaluunniit suliffeqarfiit taamaattut pigisai suliffeqarfiusut.

Imm. 2. Kapitalimi tassani maleruagassat aamma nalunaarsugaasivinnik akilersuineri attaveqaatit ataatsimoorussat pillugit qarasaasiatigut ingerlatsinernik annertuunik ingerlataqartut, aningaasanik ingerlataqarfiit arlallit nalunaarsugaasivinni ataatsimoorussami annertuunik piginneqataappata.

Imm. 3. Finanstilsyni qaqutigoortumik, pissutsit immikkuullarissut atuuppata, imm. 1 aamma 2-mit immikkut akuersisinnaavoq. Immikkut akuersinerit piffissamut killigaassapput, nutarterneqarsinnaallutilli.

§ 343 r. Qarasaasiaqarnermut tunngasuni aarlerinangitsumik nakkutilliinikkut isumannaallisaanikkullu aaqiinerit pillugit maleruagassat, peqqussummi § 71, imm. 2 naapertorlugu atulersinneqartut, taamaaqataanik nalunaarsugaasivinnut ataatsimoorussanut atuutissapput.

Imm. 2. § 72 a naapertorlugu allanut suliassanngortitsineq pillugu maleruagassat taamaaqataanik nalunaarsugaasivinnut ataatsimoorussanut atuutissapput, nalunaarsugaasiviit ataatsimoorussat

peqqussummi matumani § 5, imm. 1-mut ilaasunut suliffeqarfiit sinnerlugit qarasaasiaqarnikkut suliasanik annertuunik allanut suliassanngortitsisimappata.«

23. § 345, imm. 2, nr. 1-mi, »anigaasanik ingerlataqarfiit aamma anigaasanik piginnittutut suliffeqarfiit« imatut allanngortinneqarpoq: » anigaasanik ingerlataqarfiit, anigaasanik piginnittutut suliffeqarfiit aamma nalunaarsugaasiviit ataatsimoorussat«.

24. § 346, imm. 1, oqaaseqatigiinni siullerni, »anigaasanik ingerlataqarfiit aamma anigaasanik piginnittutut suliffeqarfiit« imatut allanngortinneqarpoq: » anigaasanik ingerlataqarfiit, anigaasanik piginnittutut suliffeqarfiit aamma nalunaarsugaasiviit ataatsimoorussat«.

25. § 347, imm. 1, oqaaseqatigiinni siullerni, »anigaasanik piginnittutut suliffeqarfiit,« kingorna ikkunneqarpoq: »nalunaarsugaasiviit ataatsimoorussat,«.

26. § 347, imm. 2, »anigaasanik ingerlataqarfik taassumalu immikkoortortai imaluunniit anigaasanik piginnittutut suliffeqarfik« imatut allanngortinneqarpoq: » anigaasanik ingerlataqarfik taassumalu immikkoortortai imaluunniit anigaasanik piginnittutut suliffeqarfik imaluunniit nalunaarsugaasivik ataatsimoorussa«.

27. § 347 b imatut oqaasertalerneqarpoq:

»§ 347 b. Finanstilsynip anigaasanik ingerlataqarfimmi, anigaasanik piginnittutut suliffeqarfimmi imaluunniit nalunaarsugaasivimmi ataatsimoorussami pissutsinik ataatsimik arlalinnilluunnii nakerisarsiuunngitsumik misissuinermik ingerlatsinissamut anigaasartuutillu akilernissaannut anigaasanik ingerlataqarfik, anigaasanik piginnittutut suliffeqarfik imaluunniit nalunaarsugaasivik ataatsimoorussa« peqqusinnaavaa, suliffeqarfimmi nakkutilliinermut tamanna annertuumik pingaaruteqartoq Finanstilsyni naliliippat, aamma Finanstilsynimut nalinginnaasumik misissuineq pineqanngippat. Nakerisarsiuunngitsumik misissuinerup inerneru nalunaarusiakkut allaganngortinneqassaaq, Finanstilsynip piffissatut aalajangersagaata iluani saqqummiunneqartussa«.

Imm. 2. Nakerisarsiuunngitsumik misissuineq inummit ataatsimit arlalinnilluunniit paasisimasaqartunit ingerlanneqassaaq. Anigaasanik ingerlataqarfik, anigaasanik piginnittutut suliffeqarfik imaluunniit nalunaarsugaasivik ataatsimoorussa« inunnik paasisimasaqartunik piffissap Finanstilsynip aalajangersagaata iluani toqqaassaaq. Inuit paasisimasaqartutut siunnersuutigineqartut Finanstilsynimit akuerineqassapput.

Imm. 3. Anigaasanik ingerlataqarfik, anigaasanik piginnittutut suliffeqarfik imaluunniit nalunaarsugaasivik ataatsimoorussa« nakerisarsiuunngitsumik misissuinerup naammassineqarnissaanut pisariaqartinneqartunik paasisutissanik inunnut paasisimasaqartunut tunniussissaaq.

Imm. 4. Inuit paasisimasaqartut misissuineq pillugu nalunaarusiap allanneqartup assinganik Finanstilsynimut tunniussissapput, kingusinnerpaamik nalunaarusiap anigaasanik ingerlataqarfimmut, anigaasanik piginnittutut suliffeqarfimmut imaluunniit nalunaarsugaasivimmut ataatsimoorussamut tunniunneqarnerata peqatigisaanik.

Imm. 5. Nakerisarsiuunngitsumik misissuinermut atatillugu pissutsit pillugit paasisutissanik paasisaqarunik inuit paasisimasaqartut ingerlaannartumik Finanstilsynimut tunniussissapput, paasisutissat suliffeqarfiup mi-anernartuinut imaluunniit niuerneranut annertuumik pingaaruteqarpata, pissutsit taakku imatut ineriartorsinnaallutik suliffeqarfiup akuersissutini annaasinnaaneranut annertuumik kingunerlutsisinnaallutik.

Imm. 6. Pissutsit immikkuullarissut pissutigalugit inuk paasisimasaqartoq imm. 4 aamma 5 naapertorlugu Finanstilsynimut paasisutissanik ingerlatitseqqissinnaanngippat Finanstilsynimut nalunaarneq inummik paasisimasaqartumit allaanerusumit isumagineqarsinnaavoq, tassunga ilanngullugit Anigaasanik ingerlataqarfik, anigaasanik piginnittutut suliffeqarfik imaluunniit nalunaarsugaasivik ataatsimoorussa«.

28. § 354, imm. 6, nr. 12-mi, »Pigisanik agguaassinermut eqqartuussivik« imatut allanngortinneqarpoq: »Akiliisinnaajunnaarnermit pigisanik aqutsisoq, pigisanik agguaassinermi eqqartuussivik«.

29. § 354, imm. 6, nr. 22-mi, »Kommissioni, akiligassarsinissamut nalilersuisarfiit pillugit Europa-Parlamentip aamma Rådip peqqussutaa naapertorlugu taassuma suliaasaanik isumaginnittoqarnissaa pisariaqartinneqarpat,« peerneqarpoq.

30. § 354, imm. 6-mi, nr. 30-tut ikkunneqarpoq:

»30) Aningaasanut tunngasuni Savalimmiuni nakkutilliinermi oqartussat, tiguisusaaq inatsisitigut aalajangerneqartumik nipangiussisussaataappaat, minnerpaamik imm. 1 naapertorlugu nipangius-sisussaataanermet naapertuuttoq, aamma tiguisusaaq taakku suliaasaanik isumaginninnissamut paasissutissanik pisariaqartitsippat, taamaattorli imm. 12 takujuk.«

31. § 354, imm. 12-mi, »imm. 6, nr. 23«-p kingorna ikkunneqarpoq: »aamma 30«.

32. (Kalaallit Nunaannut atulersinneqanngilaq)

33. (Kalaallit Nunaannut atulersinneqanngilaq)

34. § 360, imm. 2-mi, »§ 361, imm. 1, nr. 21 naapertorlugu« imatut allanngortinneqarpoq: »§ 361, imm. 1, nr. 20 naapertorlugu«.

35. § 361, imm. 1, nr. 7, atorunnaarpoq.

Nr. 8-31 matuma kingorna nr. 7-30-nngorput.

36. § 361, imm. 1, nr. 26-30, nr. 25-29-nngortut, atorunnaarput, taarsiullugulu ikkunneqarlutik:

»25) Qularnaveeqqusiussaqluni taarsigassarsinermi allagartaliisarfiit pillugit ingerlatseqatigiiffiit pillugit Danmarkimi inatsimmut ilaasut qularnaveeqqusiussaqluni taarsigassarsinermi allagarta-liisarfiit pillugit ingerlatseqatigiiffiit ukiumut 10.000 kr.-inik akiliissapput.

26) Internettikkut aningaaseriviit, akilersuineramik kiffartuussiviit aamma elektronikkikkut an-ingaasat pillugit inatsit, kunngip peqqussutaatigut Kalaallit Nunaannut atulersinneqartoq naapertor-lugu, ukiumut 60.000 kr.-inik akiliissapput.

27) Internettikkut aningaaseriviit killeqartumik akuersissuteqartut, akilersuineramik kiffartuussiviit aamma elektronikkikkut aningaasat pillugit inatsit, kunngip peqqussutaatigut Kalaallit Nunaannut atulersinneqartoq naapertorlugu, ukiumut 6.000 kr.-inik akiliissapput.

28) Nunat allamiut aningaasaliisarfiit aningaasaliisarnermi peqatigiiffiit pillugit Danmarkimi inatsimmi §§ 18 aamma 19-mut ilaasut ukiumut 8.000 kr.-inik akiliissapput.

29) Aningaasaliisarfinni piginneqataassutinik killeqarfik qaangerlugu nittarsaaneq pillugu nalunaarutit, nalunaaruteqarnerit imaluunniit qinnuteqarnernut ataasiakkaanut, aningaasaliisar-nermi peqatigiiffiit pillugit Danmarkimi inatsimmi §§ 18-21 naapertorlugu, 2.500 kr.-inik akiliisoqassaaq.

30) Nalunaarsugaasivik ataatsimoorusaaq ukiumut 53.000 kr.-inik akiliissaaq. Nalunaarsugaasivik ataatsimoorusaaq ukiumi naatsorsuusiorfiusumi ataatsimi ulloq naallugu atorfilinnik 25-nik ikinne-rusunik sulisoqarsimappat nalunaarsugaasivik ataatsimoorusaaq ukiumut 1.000 kr.-inik akiliissaaq.«

Nr. 30 matuma kingorna nr. 31-nngorpoq.

37. § 372, imm. 1-mi, », taamaattorli. 2 naapertorlugu« peerneqarpoq.

38. § 372, imm. 2, atorunnaarpoq.

Imm. 3 aamma 4 matuma kingorna imm. 2 aamma 3-nngorput.

39. § 373, imm. 1-mi, »§ 39, imm. 1, 3, 4 aamma 6,« imatut allanngortinneqarpoq: »§ 39, imm. 1, 3 aamma 4,«, aamma »§ 226, imm. 1 aamma 2, aamma imm. 5, oqaaseqatigiit siulliit« imatut allanngortinneqarpoq: »§ 226, imm. 1 aamma 2«.

40. (Kalaallit Nunaannut atulersinneqanngilaq)

41. § 373, imm. 2-mi, »§ 77 d, imm. 1«-p kingorna ikkunneqarpoq: »aamma 2«.

42. § 373, imm. 2, »§ 347 b, imm. 3«-p kingorna ikkunneqarpoq: »aamma 6«.

43. (Kalaallit Nunaannut atulersinneqanngilaq)

44. § 373 a, *imm. 1*-mi, »inatsit taanna« kingorna ikkunneqarpoq: »aamma inatsit taanna naapertorlugu maleruagassat atulersinneqartut«.

§ 2

Aalajangersagaq ulloq x. xx 2015-mi atulersinneqarpoq.

¹ Aalajangersagaq imatut oqaasertaqarpoq: *Imm. 1.* §§ 1-4, 6, 9 aamma 10 Savalimmiunut aamma Kalaallit Nunaannut atuutinngillat, taamaattorli *imm. 2*-5 takukkit. *Imm. 2.* (Ilaatinneqanngilaq) *Imm. 3.* §§ 1-3, 6, 9 aamma 10 kunngip peqqussutaatigut Savalimmiunut aamma Kalaallit Nunaannut tamakkiisumik ilaannakuusumilluunniit atulersinneqarsinnaapput, Savalimmiuni aamma Kalaallit Nunaanni pissutsit naapertorlugit allannguuteqartillugit. *Imm. 4.* § 4 kunngip peqqussutaatigut Savalimmiunut aamma Kalaallit Nunaannut tamakkiisumik ilaannakuusumilluunniit atulersinneqarsinnaapput, Kalaallit Nunaanni pissutsit naapertorlugit allannguuteqartillugit. *Imm. 5.* (Ilaatinneqanngilaq).